

Cov Lus Nug thiab Cov Lus Teb hais txog ACCESS hauv ELLs thiab Alternate ACCESS hauv ELLs

ACCESS hauv ELLs thiab Alternate ACCESS hauv ELLs yog dab tsi?

ACCESS hauv ELLs thiab Alternate ACCESS hauv ELLs yog cov kev txheeb xyuas kev txawj lus Askiv zoo txaus uas yav tag los ua tau raws li cov lus tseev kom ua fab kev cai lij choj ntawm tsoom fww thiab xeev. Cov kev txheeb xyuas no yuav raug siv los ntsuam xyuas kev kawm tau ntawv zoo ntawm cov neeg kawm lus Askiv thaum lawv txhim kho cov kev paub kawm lus fab kev nyeem ntawv, kev sau ntawv, kev mloog, thiab kev tham lus.

Vim li cas peb thiaj muab cov kev sib tw ntaub ntawv no?

Cov qhab nia ntawm ACCESS hauv ELLs thiab Alternate ACCESS hauv ELLs yuav muab tej xov xwm uas muaj txiaj ntsim zoo ntsig txog kev txhim kho lus Askiv rau tsev neeg thiab cov tsev kawm ntawv. Cov tsev neeg tuaj yeem siv cov qhab nia thiab cov lus piav txog theem kev txawj txaus los ua kev nkag siab txog kev vam meej uas lawv tus menyuam ua tau thiab los koom nrog cov tsev kawm los txhawb nqa lawv tus menyuam tej kev kawm.

Cov xib fwb thiab cov tsev kawm tuaj yeem siv cov qhab nia los ntsuam xyuas kev vam meej ntawm tub ntxhais kawm hauv qhov xav tau fab lus Askiv, npaj hom qauv qhia ntawv, thiab ntaus nqi txog lawv cov phiajxwm txhim kho lus kawm. Cov tsev kawm ntawv kuj tseem yuav siv cov qhab nia no los txiav txim seb tus tub ntxhais kawm puas tau npaj txhij kawm tiav ib qho phiajxwm lus Askiv tib si.

Cov qhab nia xeev ntawm theem tsev kawm thiab theem qib nroog yuav raug siv hauv cov kev ntsuas feem xyuam haujlwm ntawm tsoom fww thiab xeev.

Leej twg thiaj yuav tsum tau xeev cov no?

Tag nrho cov neeg kawm lus Askiv hauv qib kawm K txog 12 hauv cov tsev kawm tsoom fww yuav tsum tau tuaj xeev txhua xyoo hauv kev txheeb xyuas kev txawj lus Askiv txaus. Tsuas muaj li me ntsis cov kev zam pub, hos tag nrho cov neeg kawm lus Askiv yuav xeev ACCESS hauv ELLs.

Cov tub ntxhais kawm uas nyob hauv Lub Phiajxwm Kev Kawm Ib Leeg Zus (Individualized Education Program - IEP) lossis phiajxwm 504 tej zaum kuj yuav muaj feem rau tej kev pab kom muaj kev yooj yim. Cov kev pab kom muaj kev yooj yim fab ntaub ntawv ces xam muaj tej ntawv yees tawm loj loj thiab phau ntawv me uas siv xeev ntawv rau neeg tsis pom kev.

Qee cov tub ntxhais kawm uas xiam oob qhab sib thooj tej zaum kuj yuav muaj feem tau xeev Alternate ACCESS hauv ELLs hloov ACCESS hauv ELLs. [Saib Alternate ACCESS hauv cov Qauv Cai Kev Tuaj Xeev ntawm ELLs](#). (Mus rau Districts, Schools and Educators > Statewide Testing > Minnesota Tests.)

Cov kev xeev ntawv yuav raug tswj tuav zoo li cas?

Cov tub ntxhais kawm feem coob yuav xeev ACCESS hauv ELLs hauv lub computer, tab sis yuav muaj kev zam pub nce raws li qib kawm thiab cheeb tsam kev kawm (kev nyeem, kev sau, kev mloog, lossis kev tham).

Cov xib fwb yuav xeem ib leeg-tauj ib leeg nrog cov tub ntxhais kawm txhawm rau tswj tuav Alternate ACCESS hauv ELLs uas siv tej cuab yeej ntaub ntawv.

Cov tub ntxhais kawm yuav npaj xeem ntawv tau li cas?

Cov tub ntxhais kawm tsis tas yuav kawm txog ACCESS hauv ELLs lossis Alternate ACCESS hauv ELLs. Cov xib fwb yuav muab ib lub caij nyoog zoo rau cov tub ntxhais kawm los xyaum xeem uas yog siv cov lus nug ntawm qauv sim xeem ntawv yog li ntawd cov tub ntxhais kawm yuav swm nrog yam uas lawv yuav tsum tau ua nyob rau hnuv xeem.

Dab tsi thiaj li yuav ua rau nws xeem tau cov kev xeem ntawv?

Cov tub ntxhais kawm tsis tas yuav tseev kom xeem tau lossis xeem poob ACCESS hauv ELLs lossis Alternate ACCESS hauv ELLs Vim hais tias cov kev xeem yuav ntsuas txog tus neeg kawm lus Askiv qhov peev xwm nkag siab thiab paub siv lus Askiv, txhua tus tub ntxhais kawm yuav tau txais qhab nia txawj lus txij li 1 txog 6.

Cov kev paub fab twg thiaj yuav raug txheeb xyuas los ntawm ACCESS hauv ELLs lossis Alternate ACCESS hauv ELLs?

ACCESS hauv ELLs yuav ntsuas txog kev txawj lus Askiv hauv kev nyeem, kev sau, kev mloog, thiab kev tham ntos raws li Cov Qauv Cai Kev Txhim Kho Lus Askiv (English Language Development - ELD) Ntawm WIDA. [Saib Cov Qauv Cai Kev Txhim Kho Lus Askiv Ntawm WIDA](#) (Mus rau WIDA > Standards & Instruction > English Language Development (ELD) Standards).

Alternate ACCESS hauv ELLs yuav ntsuas txog kev paub fab kev nyeem, kev sau, kev mloog thiab kev tham lus ntos raws li Tus Qauv Ntsuas Kev Ua Tau Ntawm Hom Sib Txauv (AMPIs, Alternate Model Performance Indicators). [Saib AMPIs](#) (Mus rau WIDA > Assessment > Alternate ACCESS for ELLs).

Kuv tuaj yeem pom cov qhab nia ACCESS hauv ELLs thiab Alternate ACCESS hauv ELLs ntsig txog kuv tus menyuam, lub tsev kawm, thiab lub nroog tau li cas?

Koj lub tsev kawm yuav tau txais ib daim ntawv tshaj qhia txog ib tug tub ntxhais kawm twg uas yog koj tus menyuam thiab yuav muab tej xov xwm no rau koj. Daim ntawv tshaj qhia no yuav nthuav qhia txog koj tus menyuam qhov ua tau nyob hauv kev txheeb xyuas thiab yuav xam muaj cov qhab nia hauv txhua cheeb tsam lus kawm ib yam nkaus li cov qhab nia uas suav sau.

Yuav muaj cov qhab nia ntawm lub tsev kawm thiab lub nroog tso rau hauv tshooj Daim Ntawv Tshaj Qhia Ntawm Minnesota hauv tus vev xaib MDE. [Ces mus rau tshooj Daim Ntawv Tshaj Qhia Ntawm Minnesota hauv tus vev xaib MDE](#). (Mus rau Data Center > Minnesota Report Card.)

Yog xav paub ntxiv, tiv tauj:

Kev Xeem Ntawv Thoob Lub Xeev
mde.testing@state.mn.us

Minnesota Department of Education
1500 Highway 36 West
Roseville, MN 55113-4266
<http://education.state.mn.us>

Lub Cuaj Hli Ntuj 2016